

Kayëta ir Yud in Lilaya in

Ar yëgwëk kayëta ijo an, Yud këno wãcënd. Kayëta iromax ijo kë sëyalind mëne bërëwãk end Yesu Kërisët bën këreni tëfënd na osëyali or fudac or kë rend mëne bësosãn do gë bësoxari bër gër Amara bën asëk alakira fo ex gayik Kaxanu aseban ko sebanënd. Ata Yud aÿëgw yëgw ko bamatinali band gër bakayëta bakarëk ebi masinaxën bërëwãk bën mëne Kaxanu axiti ko xitind osëmbak ol. Kayëta ijo ñatak gë cale ind kë rend mëne Kaxanu kë yëlënd apexa an paß gë Yesu Kërisët. Er ex gër akayëta in:

Ecëmar el: 1-2.

End ekwëta el do gë osëyali onëgwëê eñ: 3-23.

End cale eñ: 24-25.

Ecëmar el

¹ Wëno Yud, ariyenin ar Yesu Kërisët an, ar acël amat gë Şak an, këñun yëgwënëlinde wën bër wãcëraw këñun Faba Kaxanu, ñan këñun, do xwëtaya këñun gër Yesu Kërisët! ² Awa Kaxanu kayënanëleño wën do yëlëleñun mbañ, obetak ol do gë añana añ!

End bësëyali bënëgwëê eñ

³ Wën bëmaÿe bënd ke balënd mbañ bëño, gë obal osëm yandi baxe mun ñëgwënëli end apexa and şot këne biyi cëk eñ. Gërëgako nang këme, afo mun ñëgwënëli en kemënalixën

ekwëta ed këbi yëlënd Kaxanu amat fo bërëwãk el. ⁴ Enimin, bela bẽwẽsík exëna bër lila këñun yir fo do këni nẽmbënd oyekax or ko yëlënd Kaxanu ol gẽ oñandi oñacaxik. Bën ayaxëta këno yaxëtand Yesu Kërisët, mëñ ar ex Asëyali do Axwën an. Ata kiti indebën in anëka fo yëgw këni.

⁵ Anang nang kën ðek beño, axwitan fo këmun xwitanënd mëne Axwën an racët babi gër oxadëp bulunda ir Isërayel in gër ebar ed Misëra. Barikan alawã lawã babi bër fiëp bax eno kwëta bën. ⁶ Kwitayin bête end omeleka od sak babi or gapak or sôt bani ol, Kaxanu afokëra fokëra këbi or lañ gëð gër acamëðan xali yatir akey atëm and kiti. ⁷ Mondako fo bax bête end bela bër lëg bax gër bangol band Sodom gẽ Gomor do gër band hi bax ler ler bañ. Awata wata bani becëfënaaxik do gẽ eñac xali babi yandind laka ir ax ñap ex na in. Gërëgako, asoro këni sorond gër xodux or din ir din, or ax ðomind na gẽ eðomi. Do toro indebën ino këbo wãsinënd ang këbi hid ak ðek bër kë rind mondako bën.

⁸ Awa bela bër lila kënun yir fo bëjo mondako fo këni rind: odakeli odebën këni sëfënd do këni buyarënënd beman bendebën beñ. Ayepën këni yepënënd or gapak or Axwën ol do kënebi sîrënd bangoc bacaraxik bañ. ⁹ Xarak Mišel, alëngw ar omeleka an, axo yëxw bana eno nëp gẽ ocir şafucara in, and bani xandërënd eman end Moyis añ. Are fo re baño: «Axwën an ki rexëra!» ¹⁰ Bari bela bëjo aşir këni sîrënd er bayik ani nang ex na in. Do bebër nang

këni gë onden këm, ang oŵacar fo bën, anemin këbi nemin. ¹¹ Awa bëjo abi ye ex na ga sëf këni ako fëña ir Kaÿe in. Ang nambëra baxo Balam në end acosa ak nambëra këni. Bëte ang nemi ko Kore ak në end emësen ed Kaxanu fo nemi këni. ¹² Bëjo abuyarën këni buyarënënd opëna od amara andewën ok. Er këni xwëndand wayët ñambëran, gë oşeb fo, ani gi ex na gë anjus. End ala abi balënd na, ang ax gi ex na end ogaf odebën fo. Ang banar band barër bax do şapëreliek ekoc tēbërëxe fo hi këni. Bëte er hi këni ang batëx bañambëyamb band ax dēwënd na fo xali xucak nand ebax ex dēw na. Bakëlëbëd baki şësëk ga rët këni. ¹³ Ang kë watind bomuyar gër angwëngw and kë xanind men bërëxadët bomeŋ bomeŋ ak, mondako fo këni rind bela bëjo ex watixën becëfëanaxik bendebën beŋ. Bëte ang oŵal or kë yexërand sam-sam gër orën fo hi këni. Do Kaxanu fenin këbi olëg or din ir din ol gër ed xurik ex camëdan.

¹⁴ Enok, ar ex acongaxinëm gër andēwëra and Adam an, ayeyan yeyan baxo ang alaŵënel fo end bela bëjo eŋ: «Awël nde, Axwën an ayow ko yow gër ngwën ro gë omeleka omënëk odexëm ok owëli, owëli. ¹⁵ Ayow ko yow ebi kiti dek bela bën do ebi nöp bësëmbak bën në end dek bandixa batëmbak band këno renanënd beŋ, do në end oyeyan oÿëŋenax or bësëmbak or këno yeyananënd bëwendëran oŋ.» ¹⁶ Bela bëjo laŋ bër şaminak fo hi këni. Laŋ këni rendërand end aniyand andebën eŋ, do sëf këni wayët oñandi odebën fo. Gër osëÿ orebën yer ndafënan itëm

fo ex, xarak bela bën fo kënëfi yifand gë oyeyan onëngax eni cotaxën er ÿandi këbi in.

End aniyan and oxëreceŋ eŋ

¹⁷ Wën cëŋ bëmaÿe bënd ke balënd mbaŋ bëŋo, kwitayin end reya bani gana-gana fo oparëxanda od Yesu Kërisët, Axwën arebi eŋ. ¹⁸ Ga banun felënd wa: «Gër bakey bapelatar, bela bër kë sanënd mbaŋ kë şanayaw na, do eni tëfënd oñandi oñëŋënax ok, mëne ngëŋ betëmbak beŋ.» ¹⁹ Bën ex bëyic bër bamara bën, ang oŵacar fo këni rind, do Angoc and Kaxanu aŋ ax gi ex na gër ola orebën. ²⁰ Barikan wën bëmaÿe bënd ke balënd mbaŋ bëŋo, ang këni bayënd aciŵ ak, bayin oxëreceŋ orewën ol gër ekwëta emënëk ed şot kën. Caleyindën gë Angoc aŋ. ²¹ Kemënayin gër aŋana and Kaxanu ga kën şëninđ ako axaÿënan ir Yesu Kërisët, Axwën arebi, ir këbo yëlënd aniyan and din ir din in. ²² Kaÿënanindëleŋun bër sitarak gër ekwëta bën. ²³ Bërëmar afo enëfi dacëtënd gër xodux eni pexaxën. Bëjo bëte kaÿënanindëleŋun gë anjiÿ. Ado ax gi ex na deŋ mokwixëta acud andebën and buyarënëk beñëŋënax bendebën aŋ.

Eduwa el

²⁴ Duwanëŋone Ar xorëk gabat eŋun nëkonand këdi kën wëndëra an. Bëte duwanëŋone ar xorëk eŋun kwëşan, gë etëmbak këm an, gër lëngw ir enjaran endexëm, gë onënga fo. ²⁵ Mëŋ gabat ex Kaxanu, ar fexën këbo paß gë Yesu Kërisët, Axwën arebi an. Mëŋ gabat xwënëk enjaran eŋ, panga in, owun ol

do gë or gapak ol, elod ga ãanak ngwën in, xali
gërégako do din ir din! Amen!

Oniyan
Oniyan: Oniyan (New Testament+)

copyright © 2017 Wycliffe Bible Translators, Inc.

Language: (Oniyan)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

8b7902f3-5e35-5b89-86b2-c6da1be458b9